

Drey mal sublimierten Mercurium darzu hinein thun/ vnd das Glas/ wie gleichsals auch die andere Geschirz/ mit dem Luto sapientiae fleissig zu fleiben: Als denn/ wenn solches alles versehen/ so sey vier vnd zwanzig Stundt auff Kohlen/ so wol angeblasen sindt/ erhalte das Feuer die ganze Zeit in einer Grob vnd Stärke/ brich das Geschirz/ wenn die Zeit vorüber/ entzwey/ nimm dasjenige/ so du darinnen sublimieret findest/ heraus/ vnd laß es/ als were es ein Farb/ auff einem Stein zerreiben. Endtlich nimm einen auß den gemeldten sieben gleichen Theilen/ von welchen sechs vberblieben/ laß mit dem jenigen/ so auff dem Stein zerrieben worden/ klein puluerisieren/ misch wol vnter einander/ sey von newem vier vnd zwanzig Stundt/ biß du siehest/ daß alles auff dem Boden des Geschirz liegen bleibt/ zu einem Feuer/ denn also wirdt dieses ganz Geschäft in sieben Tagen vollendet. Bedünck dich aber/ es sey solch Medicin nicht recht verfertigt/ so wiederhole sein ganze Zubereitung noch andere sieben Tage/ so wirdt sie ganz vollkommen/ vnd kann deren ein Theil vierzig des purgierten Kupffers in das allerbeste Silber verwandeln.

Die achte.

Das LXVII. Cap.

Nimm Salpiter/ vnd Weinstein/ jedes xij. Loht/ Arsenick iij. Loht/ Römischen Vitriol ij. Loht/ vermisch nach Aufweisung der Kunst zu einem Amalgama, so ist es bereitet vnd fertig.

Wasser auß Silber zumachen.

Das LXVIII. Cap.

Laß feiniere Silber in einem Aqua forti dissoluiere/ nachmals bey einem Kohlfewer fein allgemach sieden/ das Geschirz gählingen von dannen hinweg rucken/ vnd es eine well